



Broj/Број: 01/2а-50-1-2-16/07  
Sarajevo/Сарајево, 28.11.2007.

## ZAPISNIK

### 16. sjednice Komisije za vanjske poslove Zastupničkog doma Parlamentarne skupštine Bosne i Hercegovine, održane 28.11.2007. godine

Sjednica je počela u 9 sati i vodio ju je predsjednik Komisije Slavko Matić. Sjednici su prisustvovali sljedeći članovi Komisije: Slavko Matić, Denis Bećirović, Sadik Ahmetović, Husein Nanić, Azra Alajbegović. Sjednici je prisustvovao i pozvani gost odnosno predstavnik predlagača Miroљub Krunic ispred Ministarstva finansija i trezora BiH. Opravdano odsutni su bili Milica Marković, Azra Hadžiahmetović, Milorad Živković, i Sefer Halilović. Zapisnik su vodili studenti - stažist Isović Lejla i Mirjana Brčkalo. Ova sjednica Komisije, sa samo jednom tačkom dnevnog reda, je sazvana **usmeno**.

## DNEVNI RED

- 1) Sporazum između Vlade Bosne i Hercegovine i Vlade Savezne Republike Njemačke o finansijskoj suradnji 2005. godine.

### Ad.-1. Sporazum između Vlade Bosne i Hercegovine i Vlade Savezne Republike Njemačke o finansijskoj suradnji 2005. godine.

Predsjedatelj Komisije, Slavko Matić, dao je riječ izvjestiocu iz nadležnog ministarstva.

Gospodin Krunic je istako da je Sporazum sa Vladom Savezne Republike Njemačke o finansijskoj suradnji potpisan 2005. godine u želji da se učvrste prijateljski odnosi između dviju zemalja putem partnerske finansijske suradnje. Vlada Savezne Republike Njemačke omogućava Vladi BiH ili drugim primaocima, primanje doprinosa u iznosu od ukupno 11 500 000 EURA za finansiranje sljedećih projekata: programa energetskog sektora u iznosu od 7 000 000 EURA i rehabilitacije Rudnika uglja u iznosu od 4 000 000 EURA, ako se nakon provjere utvrdi da ovi projekti zaslužuju podsticanje. Rok za navedene iznose ističe 31.decembra 2013. godine.

Dodao je da je ispoštovana zakonska procedura te je predložio da se da suglasnost za ratificiranje.

S obzirom da je u sporazumu pogrešno navedena godina potpisivanja ovog sporazuma, donesen je zaključak da nadležno ministarstvo usaglasi odnosno ispravi tehničke greške.

G. Matić, g. Ahmetović i gđa Alajbegović su bili za, g. Bećirović je bio suzdržan a g. Nanić protiv davanja suglasnosti za ratificiranje.

Sjednica je završila svoj rad u 9.30.

SEKRETAR  
KOMISIJE ZA VANJSKE POSLOVE  
Merdžana Iglica

PREDSJEDNIK  
KOMISIJE ZA VANJSKE POSLOVE  
Slavko Matić

Kopija: MVP-u BiH